

Iswana stock keeping methods.Domestic Animals : Goats and Sheep.

0-16

Dipodi tse di re nang le tsona ke dipodi tsa masaiboko le dipodi fela, ke mefuta e mebedi, masaiboko ke podi tse di mabowa thata (rukhw) fela dipodi tse tsa masaiboko ga di ya ruiwa ke batho ba le ba ntsi, le go ata ga di ya ata mo bathong ba rona le mo metseng ya rona. Dipodi di na le mebala e mentsi le gona go na le tse di nang le dinaka le tse di se nang dinaka (tshopyana).

Mebala.

<u>Female</u>	<u>Male.</u>
Khukhwana	Khukhu
Pirwana	Piro
Tswana	Tsweu
Tilotsana	Tilodi
Phatswana	Phatswa
Ngolwana	Ngolo
Khunwana	Khunou
Tubana	Tuba
Kotswana	Khwebu
Tshwana	Ntsho.

Dipodi ga di ke di retwa gongwe go bokwa di ruetswe fela go jewa. Motho o mongwe le o mong e o batla mmala o ene a o ratang, ga go na motho yo o ka fitlhelang a sa rate mmala wa dipodi tsa gagwe. Le gale.

2.

Mebala.

Khukhwana ke mmala o montsho le o mosweu o montsho o tlola magetla le dinoka tsa podi, tlhogo ya yona e le ntsho. Pirwana ke mmala o mohibidu le o mosweu, o mohibidu o tlola ka molala le tlhogo go fitlha ka magetla a yona.

Tilotsana ke mmala o mosweu le o montsho o tlhakatlhakane fela o mosweu o le moronotho mo mmeleng wa yona otlhe.

Tswana ke mmala o montsho go gotlhe go sena o mongwe mo mmeleng wa yona.

Pitswana ke mmala o motsho le mosweu mmala o mosweu

342

K32/13

2

o le mo magetleng le mo dinokeng fa gongwe mmala o mosweu o nna mo dinokeng fa gongwe ka fa dimpeng tsa yona.

Ngolwana ke mmala o tihakatlhakaneng le o montsho mo magetleng o mohibidu o le mo meleng ge o e lebela o fitlhela o kare e khibidu, gongwe o kare e ntsho.


Khunwana ke mmala o mohibidu mmele otlhe wa yona, go sena o mongwe mmala.

Tubana ke mmala o ratileng go nna mosweu, mme o le mosetlha bo bosweu, mmele otlhe ke gona ge e le tubana.

3. Kotswana ke mmala o mosweu o tihakane le botala ge o e lebeletse o kare e tshweu 'mme o fitlhele e le tala, botal ba yona o kare bo bosweu.

Tswana ke mmala o mosweu mmele o tlhe wa yona.

342



Ke gona le tthagang, re le bona le sebedisiwa ke mahgowa, le rona ka jeno re ya le sebedisa.

5

ke gona le tlhagang lre le bona le sebediswa ke makgowa le rona ka jeno re ya le sebedisa, ge go na le podi mmala wa yona o sa mo kgatlhe a ka e bolaya, gongwe a e rekisa, motho o mongwe le o mongwe o na le letshwao la tsebe gore dilo tsa gagwe di se tlhakatlhakane le tsa ba bangwe le gore ge engwe e mo timeletse a tle a kgone go ka e kabisa mo dipoding tsa ba bangwe. Kgoro e ngwe le engwe ena le letshwao la yona. Matshwao a itsegeng ke a:-

Lephaga

Lesibe

Lengena

Letseketla

Motlhakala a kgama

Monwana.

*OCSCMOE or make**a drawing**like this*

Ge motho a reka podi mo mothong o mongwe ga a tlhe a e tshwaya o e lesa fela ka letshwao le e tshwailweng ke mongwa yona wapele. Dipodi ge motho a di ruile ke tsa gagwe, bana ba gagwe/ba di laole, fela wa ba o tla ba tshwaisa. Le ge a ba tshwaisitse ga se gore o tla di ba laodaisa ke tsa gagwe o dira se o se ratang ka tsona.

Mosadi le ge a nyotswe le ge a na le dipodi ga a di laole, monna wa gagwe ke ene a di laolang o dira se a se ratang ka tsona. Mosadi yo le go bua ga bue, o lebeletse monna wa gagwe fela se a se dirang ka tsona. Dipodi ke dilo tse e leng gore gantsi-ntsi dingaka di rapela badimo ka tsona, le didimo dingaka

6 di dira didimo tsa dipodi tse di ntsho. Fela mo mererong podi ga e tlhabye fo ga ke itse gore ke ka lebaka la eng ge batho ba sa e tlotle mo mererong ya bona. Matlalo a tsona a sugwa diphate, dithari le dikobo, fela dikobo tsa matlalo a dipodi a phwalwa ke a dinku ka thata le ka bothitho.

Dipodi di phela sentle mo nageng ya lesu le leokana, di batla mokunkuru le matlhare a meokana. Naga ya dikgalaopa ke yona e o tla fitlhela dipodi tsa yona di tlhatswegile di ntse pila di tshwanwa ke mmala wa tsona. Le gona dipodi ga di batle gore/di nna mo sakeng mo seretseng di bolowe ke tlhakwana, le gape di ya bopama ka gore ke tsona di sa robaleng. Go na le setlhatshana se seng e se se bolayang dipodi (mogau) setlhatshana se ge ele gona se tlhogang se bogale thata. Ge Podi e se jele ga e tlhole letsatsi e ya swa. Fela ge pula e sena go na bogale ba sona bo a fela. Le ge podi e ka se ja ga e ka ke ya a swa. Setlhatshana se se bolaya le dikgomo.

7 Dipodi ga di batle gore motho a di nose tsatsi le lengwe le lengwe, di batla gore di ne di latse gore ge di letse di tawa go nwa ka mosho di latse di se ke tsa ya go nwa. Ke gona o ka bonang di phela pila, le gona ga di batle gore di bole phakela monyo o ise o tlhotlhorege. Ga di batle gore di be di gate metsi. Gantsi-ntsi dipodi di nna mo gae, fela go na le batho ba bangwe ba ba isitseng dipodi tsa bona kwa merakeng. Dipodi ke dilo tse di disiwang ke basimanyana le gona di ntse disywa ke basimanyana.

Bophelo ba basimane kwa merakeng bo tshwana fela jaaka ge re bo boletse ka ga dikgomo. Badisa kwa merakeng ba disa sebaka, go fitlhela ba gola gongwe ba be ba ya bogwera, ke gona jaanong e tla beng a sa tlhe a nna kwa morakeng. Le ge a nna kwa morakeng o nna ka thato ya gagwe le ge a itlosa kwa teng. O tla itlosa kafa a ratang ka teng.

Mosimane yo o disang dipodi ge a gola o disa dikgomo fo ke kgato e mo ~~supets~~ supetsang gore o ntse a gola, ge a setse a sa tlhe a disa dipodi, masaka a dikgomo a thailwe ka mokgwa o makatsang, dikgomo ge di sena bolla, masaka a tshwanetsi

gore a tswalliwe go fitlhela mantsiboa ge di goroga. Le  
 motho ga dumelwe gore a tsene mo sakeng ge dikgomo di  
 bolotse. Menyako e ya masaka e tswalwa ka mapako fela dipodi  
 tsona di f apana le dikgomo. Menyako ya lesaka la teng  
 e tswalwa ka mfiko (Letlhako) ke gore mapako a ntsha diphatlhana  
 Lesaka la dipodi ga le tsenwe ke mongwe le mongwe , le  
 tsenwa ke basimane le banna fela e seng mosadi, fela  
 basetsananyanabona ba tsena. Fela ga go dumelwe motho gore a  
 tsee sengwe se se etsang matlhaku a lesaka gore a orwe.

ba  
 Go gama gona/gama fela mo teng, ga go na molato.

Masaka ke dipniri ga go dumelwe motho fela gore a kana a feta  
 fa teng ka nako e a ratang go feta fa teng. Gongwe batho ba  
 ka tshwarela phuthego fa teng gongwe go kopana fa teng. Le  
 ge motho a tla fa teng a batla pedi gongwe kgomo pele a tla ya  
 kwa sakeng o tshwanetse gore a kopane le banga lesaka pele.  
 Le ge a utlwetse pedi ya gagwe, ga a ye fela kwa sakeng o  
 ya pele kwa beng balo. Bona ke bona ba tla mo isang kwa  
 sakeng.

9

Dipodi ge di se na go tsela monna o kgetha phoko mo  
 dipotsaneng e a e ratang, ke yona e a e bayang phoko. Tse  
 dintsi o a di fagola ke gore ke tse a sa di rateng. Fa  
 gongwe o tlogela tse pedi tse tharo tse a di ratang. Le  
 tsona ge di se na go pagama bo mmatsa o a di fagola, o tla  
 tle a kgetha mo tse di tla tswalwang. Ge monna a se na phoko  
 a e adima ko ba ba nang le yona ge sena go duedisanya ge motho  
 a adima phoko. Dipodi ge di simola go dusa ga di nosiwe ka  
 malatsi gongwe di nna maletsi a mararo di ise di nwe. Ke gore  
 metsi a ka di gatsetsa tse tloge tsa folotsa. Le go a ga  
 di ya tshwanwe gore di tebelwe ka lebelo. Motho ge a di  
 hapao tshwanetse gore a di iketlele. Nako e pedi e tla tsalang  
 ka yona ga e itsiwe fela ge e yo tsala ka letsatsi leo, re  
 ya itse. Fo re go bitsa gore yabe e gwaragwara, ke  
 gore ka nako eo, marago a yona o tla fitlhela a lepeletse  
 thata. Mosinane yo mongwe le yo mongwe o itse gofo. Fela  
 sebaka ga re se itse, gore pedi gongwe kgomo e tsaya sebaka se  
 se kanankang. Letsatsi le lona e tla tsalang ka lona lona re  
 ya le itse.

Ka tsassi le o utlwang mosiane a re "Podi ya gwaragwara", o itse fela gore ke nako e yo tsala ka yona fo ga go fetoge. E tshwanetse gore e be nne e tsale. Ge podi e tsala gongwe kgomo, ga e thusiwe, e tlogelwa fela. Ge e pallwa ya be e faretsewe. Fela ga se gantsi-ntsi fa o ka fitlhelang kgomo gongwe podi e farelwa. Go na le banna ba itseng pharelo, ge kgomo e farelwa ba bidiwa go tlo ntsha namane fela ga ba duelwe ba thusa fela. Podi gongwe e ya bolawa ga e ke alafiwa, e tlogelwa fela, e be tle e bolawe. Dipodi le dikgomo go tshwana fela, mongwa tsona o tshwanetse gore a di batlele leswalo gore di tle di tsale thata. Ge motho a ka se ke alafa dipodi tsa gagwe ga di ka ke tsa ata kafa a batlang ka teng. Podi gongwe kgomo ge e le gona e tsalang la ntsha re ya re e itibotse gabedi re ya re e itibotse gabedi fela jalo.

11 Dipotsane gongwe dinamanyana tse nyane, di alafiwa gore di se ke tsa tle tsa bolawa ke sebete gongwe senne. Di nna mo sakeng la tsona go fitlhela di gola, di ise di fule, di tla tswela kwa ntle ge di fula ge di simola go fula di ntshiwa bo mmatsa ba sena go bolla. Di ntshiwa fela di tlogelwe fa saken ke tsona di tla neng di itsamaisa go potologa lesakana go fitlhela di le katogela, kgakajana. Nako e bo mmatsa ba gorogang ka yona di ya tlhatlhelwa ge ba sena go goroga di ya nelwa. Di sena go anya di ya tlhaolwa, ga di lale le bo mmatsa di be di itse di rutiwa fela jana, go fitlhela di tlwaela di be di itse gore di tshwanetse gore di ire jang. Ge dipotsane di ntse di gola di tshwanetse gore di tle di fagolwe. Ge di sena go fagolwa matswagole a tsamaya a nnosil le motho ya di disang ga di tlhakanye le tse dingwe di fula fa fela di nnosil. Go fitlhela di fola, ke gona di ka tlhakanang le tse di tse. Dipodi di tshwanetse gore ge di sena go goroga, badisa ba tsona ba tshwanetse gore ba di tlhole mebitlwa le dikgo fa, ka mosho le mantsiboa di ise di bole. Dipodi ga di itse dikgomo mo dinakeng, ke gore le ge pudi dinaka tsa yona di ka nna diphatsa, ga di thwe sepe, di tlogelwa di fela. Fa la dinaka tsa tsona le tsona di sebedisiwa mo go lokeleng melemo (ditshitlho - charms).

Ngaka ge e sena go alafa lapa lanotho ge e mo fa lenaka e mo fa tshitho mo lenakeng gore a tle a sale a e sebedisa ka fa ngaka e mmolelang.

Malwetse ke a:- Tlhogwana, sempe, sabotlhokwe, lebeta, tlhakwana.

Malwetse a ke ona a tshwenyang dipodi thata le gona ga a na setlhare, dingaka di tlhotswe, fela lebeta lona go na le balafi, gantsi-ntsi ga go na balafi ba bolwetsi ba dipodi ge di e swa di swa fela kafa di ratang ka teng, go be go tle go ikemisa tsona. Selo se re itseng go sebetse ke ge podi e ka robega, yona re ya tle re e fape e be e tle e fole. Ge e robegile leoto, re tsaya makwati a setlhare a makgaraga re patisetse letlhako e robegileng re thathe ka malodi a moumo ge malodi a kgeoga e tla be e fodile le yona. Tlholego ya rona ga se gore re tlhabe dipodigongwe dikgomo re ja fela e swang. T Re tlhabelwa ke modimo, le gale ge re na le morero gongwe re etetswe ke moeng ke gona re ya tleng re tlhabe podi gong e nku le ge ele kgomo.

13.

Gantsi-ntsi dipodi le dinku ke dilo tse re di ntshang didimo le go rapela badimo, mewa ya bo-rra rona. Fodi o re e tlhabang e le ya sedimo ga re e tlhabe ka thipa, ngaka e e nosa setlhare e se tlhakantse le metsi go fitlhela e swa. E re e tlhabang fela re e tlhaba ka thipa fela. Le gona go na le batho ba ba itseng go tlhaba ke gore ke ba ba diatla di fodileng. Ge ba tlhabile selo, ga se ke se ba bolaisa mala. Go na le ba ba diatla di bollo, ke gore ge ba bolaille selo se bolaisa batho mala. Ge re tlhaba podi fela e se ya sedimo madi a yona re ya a dibeletsa re a tlhakanye le borobe (mateng) gore bo nne monate. Le gona ge re sena go e tlhaba, ga re e bua ka nsko eo. E tsaya sebakanyana gore e fole pele. Ba e bua ka thipa tsa ditshipi, tse di sa ngomelweng, ke tsona tse ba buang ka ts na. Ge ba sena go bua e be e fela, ba tla e phunye (gasa) kafa e ntseng ka teng. Ge ba sena go e phunye ba e isa kwa lapeng la mongwa yona. Ba e baya mo letlalong ba sa tsaya sepe sa yona, kwa ntle ga monwana le lerwana (monwana le lerwana).

14 Diro tsa kgomo ke tse:-

Serope (tse pedi)

Letsogo (a mabedi)

Motlhana (e mebedi)

Tlhogo

Thupa (tse pedi)

Leumo gongwe sehuba

Molala

Mateng:-

Mogodu

Ngati (e jewa ke basadi)

Ntshothwane

Mala

Lebete

Sebete

Pelo

Makgwafo

Letswalo

Diphilo

Mongopo le lenyeme.

Mongopo ke nama e sa jeweng ga re itse gore lebaka ke eng ge e se sa jewe. Ge go tlhabilwe kgomo e ya latlhiwa e fiwa dimpya fela.

Diphilo le ntshothwane; tse ke tse di jewang ke banna fela, e seng basimane gongwe basadi. Basadi bagolo ke bona fa gongwe ba tlang ba fiwe diphilo e seng ntshothwane. Lenyeme ke nama e jewang ke banna ba ba buang kgomo. Ke gore ke nama engwe e ba e besang gore ba tle ba e je. Mme ba ka se ke ba e efa basimane le ge ba na le bona ke na e ya bona fela.

15

Ngati: Ke mala a matona a jewa ke basadi eseng banna, le basetsana le basimane. Go ja basadi fela ke yona nama e ba lebaneng gore ba e e je ba nnosi.

Malokolo : Dithakwana masuku gongwe menene.

Dithakwana le lebete ke dinama tse di jewang ke basimane eseng banna le basadi ke dinama tsa basimane fela kwa ntle go bu bangwe.



K32/13

9

342

Mogodu le mala a jwa ke banna le basimane fa kgorong  
e seng basadi ke dinama tea banna ba nnosi fela ko, le  
basimane jaaka ke setse ke boletse godimo.

Masuku ke marapo a jewang ke banna le basimane, ba thlakana gore ba kokone ba bothle.

16 Mogodu le mala a jewa ke banna le basimane fa kgorong, eseng basadi, ke dinama tsa banna ba nosi fela ko, le basimane, jaaka ke setse ke ko dimo. Ke dinama tse di jewang ke bahui fela. Ke gona janong mongwa yona a tla bitsang monawe mogolowe a e mmegele. Ge a se na go e mmegele, ke gona janong a tla imolang go abela bo-rwaragwe ka fa o mongwe le o mongwe a fiwang kateng nama e mo tswanetseng:

Ditho tsa kgomo ke tse:-

Serope = se fiwa monna motho wa mosimane

letsogo = le fiwa mogolwa or morena wa mosimane

mothlanamo fiwa kgaityadi'a " " mosetsana

thlogo = e fiwa Rramotho le mamotho

thupa = e fiwa Rakgadi a motho

leumo or sehuba = sa mongwa kgomo or pedi

molala = wa mongwa kgomo or pedi

mateng = a ke a jewang ke banna fa kgorong letlalo ke la mongwa kgomo.

Dilo tse ke tsona di re thibelang go thlaba ka gore mong wa selo e ne ga e boslwe ke sepe sa gagwe ke gore a thlabe fela, me a ka se ke a boelwa ke sepe. Joalo ke gona re bonang gore ge e se o ka abela batho pedi gongwe kgomo e suleng, ka gore yona o ka se ke wa e re, sepe, o tswanetse gore yona o be o ne o e ba abela

17 Marapo a dinama a fisiwa ka mollo, matlalo ke ona a tseiwang a dirwa dikobo le diphate, mesari, le dithari tse di belegang. Meswang yona e ya spelwa gore di tse dingwe di se ke tsa be tsa onkgela, gore di teenwe ke bolwetse. Sa bothloko e ne o tsewa ke dingaka fa gongwe go di mmatla go alafa ka ene. Fela ga se gantsi-ntsi fa o ka fithlelang di mmatla.

Mafyi: Dipodi di fapane le dikgomo mo go gamiwang, di gamiwa ka mosho le mantsiboa. Di gamiwa pele di potsane di ise di anye, di gamiwa ke basimane, x ba ba di disang. Di gamelwa mo sakeng la tsona, ge ba se na go gama ke gona ba ntsang dipotsane di anyang. Podi ge e gamiwa mosimane o e tswara ka ~~khaka~~ thlako, a e patisetse ka serope sa gagwe.

gongwe o mongwe a e tsware ka thlogo. Mafyi a dipodi le ona a tle a themisiwe a tshelwe mo medutwaneng gongwe mo makukaneng a dirwe ma dila. Fa gongwe ge batho a sa rate go a tshela mo makukane, ba a nwa, gongwe ba shabe ka ona. Ge a dirwa madila, a tshelwa mo a magolo-golo, a ntse a minwa thlowa. Go fithlela e ba a madila a siame a jewa ke batho, batho ba bantsi ga ba rate mafyi gongwe madil a dipodi, fela bongata bo a aja thata. Baeng ge ba tsena gona le mafyi a dipodi ga ba fiwe ba ise ba bodiwe gore a ba a rata. Ge ba re ba a rata, ke gona ba fiwang. Mafyi a a dipodi a a jewa ke motho yo a ratang ga go makatsege gore ke mang, fela ge a rata, wa fiwa. Mosadi yo mofya ge a rata wa a nwa, le x basetsana, ba makgarebe ge ba rata. Le gona ga gona nako e a sa jewang ka yona. A nowa ka nako e ngwe le e ngwe ge a le teng, ge a seyo ke gona go ka se ke ga thoeng sepe. Batho ba bantsi ba ba ruileng dipodi ba na le mafyi fela jaaka ba ba nang le dikgomo. Batho ba bangwe ba be ba sebelets mafyi dipodi mo bona. Batho ba bantsi ba rata dipodi mme ga ba rate gore ba di rue. Ba re dipodi ke dilo tse di tswenyang thata, ge motho a di ruile, o tla ne a sa le athe a netse go bua fela. Di senyetsa batho di ya kwa le kwa, modisa wa tsona a sa ikhutse. Lesaka la tsona le batla gore le agiwe ka nako le nako.

19

Dinku: Dinku di ntse di tswana le dipodi fela rena le mefuta e meraro, fela re ruile o le mongwe, tse dingwe tse re bona fela di ruilwe ke batho ba di tshaba (makgowa) nku tse di itsegeng thata ke tse nku tsa setswana tse di megatla metopa, nku tsa mafarelane, nku tsa bo penane tse di thlogo di ntshonyana: Nku tse re di ruileng thata ke tse, nku tse di megatla metona ke tsona tse re di ratang thata, matlalo a tsona re a dira dikobo, a phala a dipodi a sita a be a sebeletswe mo batho ba ba nang le ona. Fela dinku le dipodi ga di fapane ka sepe di tswana fela, le malwetse di lwala malwetse a le mangwe fela. Dinku tsona bantsi ba tsona ga di na dinaka kwa ntle go tse dingwe tsa diphelehu, ke tsona o ka fithlelago di na le dinaka. Dinku tse di bidiwang bopenane, ke tse di megatla e mesesanyane kwa nthleng, e kukegetseng ko dimo. Dithlogo tsa tsona di di ntshonyana, fela rona ga re ya di ruwa, di ruilwe ke makgowa re di bona mo bona. Mme le ge re di bona mo bona ga re di

20 kgathlegela. Le dinku tsa mafarelane re bona le tsona di ruilwe ke makgowa fela, rona ga re ise re be re di batle, gore a re tla di ruwa. Le gona ge re di bona di ne di ise di ate jaaka ka jeno. Mebala ya dinku entse fela jaaka ya di ge ke boletse, le matswao ke matswao a le mangwe fela. Dinku tsona ga re di game jaaka re gama dipodi, fela dikonyana tsa tsona di tswanakana fela jaaka dipotsane Di thlaclelwa fela jaaka dipotsane, di anya ga bedi, ka mosho le mantsiboa, dikonyana ga di ntshiwe mo sakane go fithlela di fula. Ke gona di tla ntsiwang mo sakeng, go o fithlela di gola, ge di se na go i gola ke gona di tla tsamayang le bo mmatso. Tse ditonayana di tla fagolwa go tlogelwa e lengwe ya phelehu gongwe di le pedi ka fa mongwa tsona a ratang kateng. Ge motho a se na phelehu o wa e adima, a tloge a e buse, ge e se na go mo palamsela dinku. Phelehu e ntse e tswanakana le phoko ga e duelwe ge motho a e adimile gore e mo palamsela dinku gongwe dipodi. Ke thuso fela, e batho ba

21 thusanago ka yona gore ge o mongwe a se na yona o tswanetse gore a e bone mo go o mongwe. Dinku ke dilo tse di tlotlegileng thata mo dingakeng, ke dilo tse ba di ntshang di dimo. Le ge ba napela badimo ba batla nku go e thlaba. Malwetse a dinku ke malwetse a bo- layang dipodi jaaka ke a boletse ka ga dipodi a ntse fela jalo. Dinku mokgwa wa tsona ke wa dipodi fela jaaka ke boletse ka ga di- podi go ntse fela jalo.

#### Fowls.

Dikgogo re thlalefa re di fithlela di ntse di ruilwe ga ke na kitso ya gore ba ditsera kae. Fela mefuta e mengwe e bone mo makgoweng, kgogo tse di tswau, le tse di khibidu tse di tona. Dikgogo tse re di ruileng di thlakathlakane, ga di ya golela ko dimo, fela di di tona le tsona. Go tse dintsho le tse di tswau le tse di khibidu. Tse di ngwe ke tsa mebala ya kgaka tse dingwe mebala ya tsona e thlakathlakane. Dikgogo ga re na tiro le tsona, molemo wa tsona fela mo rona ke go jewa fela. Le gale ka jeno re g

22 ya di rekisa, re sebedisa mafofa a tsona re dira mesamo. Pele re ne re sa dire mesamo ka ona. Le gona re ne re sa di rekise, tiro ya tsona fela e ne e le gore re di je fela. Kgogo re thlaba ka nako e ngwe le e ngwe ge re batla go e thlaba. Fela gona le batho

ba bangwe ba ba sa e jeng ba re kgogo e ja maswe. Ke ka lebaka lee ba sa e jeng. Mae a tsona a jewa thata ke banna, basadi ga ba a je thata, o ka tshokile o bona ba a ja. Dikgogo tsa rona ga di agelwe dintlwana tsa go robala. Di robala fela mo dithlareng, fa motho a ratang gore di robale fateng. Ge a rata go di tlosa, o di tlosa ka nako e a ratang go di tlosa. Fela ga re na mokgwa wa go thlokomela dikgogo tsa rona, re nta di tsamaya fela mo nageng fela. Ga re thlokomele gore re di fe dijo gongwe metsi. Di bona ka nosi gore di tswa yang. Rona re kubile fela ge di ntse di tsala gore re di je le go di rekisa fela.

Mefuta ya dikgogo e itseeng ke e:-

Tse di thlakathlakaneng

tse ditswou

Thlaga mo makgoweng

tse dikhibidu

23

Pigs. Dikolobe re di bone mo makgoeng, sa nthla ge re di bona, ra di makala thata, ge re bona di eja masepa a batho. Ke gona ra tloge ra di rua, ba bangwe ba ne ba sa di batle, ba re di ja maswe. Le go di ja ba ne ba sa di je ba re ke maswe. Batho ba le ge ba ne ba sa di je ne e se gore ba di ileditse, e ne e le gore ke bona ba sa di batleng go di ja. Fela ba bangwe di ne di ba lwatsa ge ba ka di ja. Ka fa batho ba neng ba sa rata kolobe ka gona, e ne e le gore ge kolobe e thlabilwe, ba phuthega ba bethle gore ba e e je ka pele, yo othle, gore go seke ga sala sepe Mafura a yona ba ne ba a kgaogana, ba tlola ka ona. Ba tshela most didibolong tsa bona, gore ba tle ba ne ba tlola ka dibaka tse di tlang.

Dogs. Dimpja re thlalefa re fithlela go ntse go tsongwa ka tsona, fela tse dingwe re di bona mo makgoweng. Ge re simola go ba sebetse, ke gona ge re tla bona mehuta e mengwe. Dimpja ke dilo tse re di tshepileng thata mo go tsomeng, motho o mongwe le o mongwe ga a dumele go nna kwa ntle ga mpja. Ge a kgona ga a dumele go tshola mpja e le ngwe. Dimpja tse di batlegang ke tse di tsomang, mpja tse di tsomang ke tse di sianang thata.

24

Gantsi-ntsi ge motho a na le mpja e sianang thata bana ba yona ba phakwa ke batho gore ba tla tswana le matso ka lebelo. Dimpja di rutwa lebelo le go tsona, le go tsaya phologolo ka mothlala, go

RM

tsena mo mosimeng. Di rutwa le molodi wa go di tsumisa, gore ge o lla yona, o wabe o reng, yana o wa be o reng, fela jalo. Motho o mongwe le o mongwe o thaya mpja ya gagwe leina le a le ratang: Selose, Re otlela-manong motso-wa-masarwa, Male-upana.

Di ya bokwa ka fa motho a ratang kateng, ka fa a ratang ya gagwe. Ntate ne ya re ge a boka ya gagwe a re, Rotlela-manong tshethla ya mosadi wa ka, o ntse kwa gae, o ntetile, ka bo ramofye bo kgale, kgakana tsa naga ya lethlathe, morwa mo lathlwalelebowa. Dimpja di ya alafya gore di ne bogale thata, fela o ka se ke wa e dira gore e ne lebelo. Di alafiwa ge di sa ntse di le di nye gore ge di gola di be di setse di le bogale. Ke gore di tloge ka bogale go goleng ga tsona. Dimpja tsa di pholo di ya fagolwa, fela ba bangwe ga ba fagole dimpja tsa bona. Dimpja le gona di ya rekisiwa fa gongwe ge motho a rata go efa.

25

Mabente: Ke dimpja tse di mavelo thata re di tsholetse go tsoma ka tsona, Fela ke mpja tse di se na bogale bo bo ka bolayang phokobje, di tshaba phokobje. Di bolaya diphuti le mebutla, ke tsona, diphologolo tse di nonofileng go di bolaya. Fela ga di ya tsi siwa go ruiwa ke batho ba se ga rona thata, di tshotswe ke bao le bac

Matesi: Ke dimpja tse di lebegang jaaka mabente ge o di bona, le ka lebelo di latela mabente, tse di ngwe di sia mabente ka lebelo.. Sebopogo sa tsona di di tshesanyane thata. Le tsona ga se dimpja tse di bogale, fela di ruetswe lebelo jaaka mabente.

Mapaku: Ke mpja tse di senang lebelo, fela di itse go tsoma thata, me re na le tsona go fitisa mabente le matesi, le gona di bogale di bolaya bophokobje ka mokgwa o makatsang.

Maporaka: Ke dimpja tse di nyane thata, ga di ya golela ko dimo, le gona, ga re na ya atisa go di ruwa, fela ba ba di tshotseng, ba di tsholetse go tsena mo mesimeng ge phologolo e tsene mo teng, le gore di itse go tsosa diphologolo thata ge motho a ntse a tsoma. Fela tsona ga se gore di ka bolaea phologolo.

26

Boraphurokwana: Ke dimpja tse di di thlogo di kgaraga, tse di athlatseng ruri, ke gore meno a tsona a tswetse kwantle. Ke dimpja tse di tshosang thata ge o di bona, di bogale ga gona sepe se di se tshabang, le batho ba di tshaba thata tsona ga re ya di ruela sepe, ge ese go bolaya dibatana tse di re jelang dipodi le ka dinku. Fela ga di na lebelo la gore batho ba ka tsoma ka tsona.

motho o mongwe o wa e mo fa. Di rekwa ka dikgogo ge e sa ntse  
e le tse di nyane ge e le tse di godileng, di rekwa ka dinku  
gongwe podi, kafa mong wa mpja a batlang kateng.

Mehuta ya dimpja e e itsegeng ke e:-

Matesi

Mabente

Mapaku

Maporaka

Raphurokwana

Tse ke tse re di boneng mo makgoweng ka jeno re na le tsona  
ge re sa le re di bona mo bona ka nako eo.

Qats: Dikatsa re di bone mo makgoweng ke gona ge re di bona,  
re ne re sa di rate. Fela re tlogile ra di rata kwa morago. Re di  
tsere mo makgoweng ge re ntse re a sebeta, ke gona ra s imola go  
nna le tsona. Le gona ga re na tiro le tsona. Di ne di bolaya  
magotlo, fela re ne re se na tiro le tsona go fithla mo nakong ya  
kajeno.

Diphologolo tse dingwe ga re na le tsona, ga re ise re di otle.  
Re ne re se na nako ya gore re otle diphologolo, phologolo e ngwe  
le e ngwe ge re e tswara, re ya e bolaya, ga go makatsege gore  
e kanankang. Sa rona ke go ja fela, ga re na sebaka, sa go otle.

END S 342